

見聞雜紀

見聞雜紀卷之三

吳興 李樂彥和述著
朱國禎文寧校正

八十七

山東兗州滋陽縣學文廟祀宗聖顏子之神
與天下各郡邑不同想鄒縣祀孟子然未有
酌考

八十八

同年友吳姓者仕為蜀令母孺人有侄素不
修行檢者來謁留之衙內一日吳公出侄向
姑索銀不遂盜所蓄俸殺姑逃去後捕獲雖

正其罪於母氏竟何益哉官衙之不宜留客
蓋如此

○八十九

江陵之喪父也一時建言諸臣受禍不為不
慘矣而繼諸公以具疏者翰林趙志臯田一
儁張位習孔教張一桂于慎行李長春凡七
人次輔呂公調陽為寢其疏不得入七人者
皆吾戊辰榜人也惜向後結局未有大表著
者爾

○九十

沈純父 思考疏既上候 旨朝房江陵家人
及私人探聽動靜者甚衆刑部郎蔡文範
瑞州人排衆視純父起居呼居正名大詈者不
一而足一時忿烈奮不顧身坐是謫福建鹽
運判官公論定官方起而公已歿矣惜哉
蔡茂承進士

九十一

易有云慢藏誨盜解者曰藏之不固不密曰
慢唐一庵先生曰慢然藏之不顧理義可否
則貨悖入者必悖而出故云誨盜 先生別

著有易修墨守曾命余作叙其詞甚奧其義甚玄不能窺先生萬分一不敢妄叙

九十二

不佞乙卯秋捷計偕北上時少吳沈公應龍寓毘陵城謂予曰此行高第須學節儉毋習富貴態予乙未同年某登第後便奢侈貸二百金娶妾二人選南部主政至潞河舟次病作卒二妾即於潞河改嫁喪不成禮可為士人初第之鑒

九十三

閩中黃斗坡魯通判湖郡官終知州予僉墾
憲而會省號多事者公未嘗妄有干請公有
門生二人皆仕為二司腰金矣每訪余三公
同來二公傍坐黃不以為僭二公不以為屈
坦然若相忘也嗟乎若在吾鄉則弟子必不
屑師必深避安敢望此

九十四

閩中士大夫凡遇新官上任不問尊卑拜帖
俱用大紅絕不用段幣作賀亦是簡約妙法
予歸田二十年隨在做之亦未聞有見罪者

九十五

不佞戊辰舉進士同鄉嵇生者以貢入京喘疾卧榻上予訪之嵇先生已作人中龍矣願為行兩龍母作毒龍擾害人間方好此君與余踪跡素甚踈猶蒙歲規至此古道蓋僅見乎

九十六

余為淦令巡道憲爵吳公一介轉大叅行隨俗餽贐十金公艱然曰先生賢者焉得污我至此予退而自愧自悔嘆世未嘗無人焉江

右驛通率三十里辦一中火公嗔怒不食云
世上無此事前知杭州府以廉節稱惜壽不
求不獲竟所用云

九十七

隆慶二年戊辰同年進士大約一主催一皂
者君多開有巨室貴介公子則催二三皂已
而棄未甲戌聞新科諸公俱二皂帶馬跟隨
衆人衆多絕不似戊辰矣戊辰有一同年好
製衣服費至四三伯金所謂貴公子也不六
七年物故朱子所云雖富貴之極亦有品節

限制士大夫不可不熟玩

九十八

積善之家必有余慶此善字所包甚廣不但
好行其德虛已讓人周急拯危而後為善予
竊意凡人躬行動像這一種節縮務實之意
思最是善事之大者其子孫必昌必發科第
屢屢有驗若暴殄奢侈曲意款客不惟窮其
身子孫徃徃不見好故易曰不節若則嗟若
傳曰不節之嗟又誰咎也奢之一字是惡之
大者

○九十九

樓院臨湖太守萬公雲鵬率屬官入見安吉
守某偶稱按院為老爺蓋一時之誤非遠衆
是恭也太守面叱之曰不才按院亦色動旣
出為程令前峰戴公歸安令南玄威公白太
守曰知州稱呼過誤老大人只宜退而教之
面叱非禮萬公隨揖二令曰承教果是我過
當丁次日又至二邑門外投侍生單帖囑門
吏曰多上覆我特來謝教公之勇于從諫類
龍一守二令其皆有古人之風矣哉事在嘉

靖六七年間

○一百

太守萬公延生員某入衙訓子降尊隆禮叙
坐間必稱先生一夕問生曰歸安葉縣丞做
官何如生正對曰蒙老大人下問生員不敢
對願老大人以後不復有此問太守謝曰承
教我先問矣君子曰二公可稱賢主佳賓云

一百一

萬公登會城謁按察使使俗吏也萬公長揖
不跪使怒囑隸俟公出局頭門內二門外鍵

俾公不得出者良久公還湖即交印與丞竟棄官歸諸當道移書遣吏再三請復來後擢本司按察使當丁酉歲新科舉人鄭怡者乘醉謁仁和令囑以事令稍難之鄭以手撲令面令繫之獄呈文萬公公庭訊鄭坐黜革噫乎鄭特不幸而生於斯時遇有憲長執法爾若在今日則群舉人合力求懇二司互相救解且按院方中之門生也萬欲行法得手

一百二

余嘉靖丙寅歲館于董宗伯時瑤泉申公

修撰丁憂起復來訪宗伯宗伯邀予陪飲當
送席申公具冠服止一僕手持紗帽革帶置
廳事前尾上侍申公無兩僕也余心服而識
之既而訪于舟中即僱賃香船簡約多秀才
風味又十年一盛夏余訪宗伯偶友人授知
縣回宗伯迂而酌之僕從頗衆奉事踰禮即
前宴申公處余為心動亦以占此友不祥子
思云見乎著龜動乎四體夫著龜猶涉影響
渺茫也乃動乎四體則由中達外吉凶可預
卜不能逃焉君子當慎其動矣

一百三

故按察副使施公閩人號龍岡前知常州府
預器栢潭孫公超格知愛栢潭發大魁不久
守制家居特往閩訪施徵服歛跡止僕從者
人隨行蓋沿路從舟人不可得而物色也至
浦城連闕省則山路崎嶇不能如故態矣始
張得已用在官太馬彙謂申之訪董蘭皋
從猶可勉而能也孫以二僕往返四千里其
程非其中有定是定力盡易及此時浦城
褚公武進人對余詳道其事如此

一百四

亞卿陳公

陸餘姚人

提身清謹教子有矩風嚴錄

可法其所不易及者宋人不知何等的宋來

魁倭來宋俱似山中農家人不知為著姓亞

卿僕也客曰此細事君何故榜之予曰安可

以言細近日士子一登鄉薦宋人走城市滿

面便帖下舉人樣子何曾帶得以此朴實來

此風俗澆漓淳厚所關余故有感而書之也

一百五

楊楚宗字承芳山西

澤州陽城人

丑進士王忠

肅公薦知嘉興公至止以蒼頭一人自隨如
旅寓然巡按孔酷刑殺人公出示令人告府
遷按察使初藩臬諸司所用咸取辦于下鎮
守中官日給萬錢悉革去之公入 覲主直
聞公名欲得一見公執不往二月

憲廟以庶吏問直直以公對天理人心之公其
不可泯如此晉左僉都御史巡撫順天等處
宦官多占民閭地產公悉奪而還之權貴歛
賈或謂公別白太明節目太踈言論太激矣
者非自全之道嗟乎其可謂不知公矣

卷一百六

項襄毅公既沒子孫多貴顯者說者謂其陰地甚佳故遺蔭至此余謂不然天地之大德曰生居官者能體天心以治民全活衆多則天必祐之此理之常非倖致也公自土木還景泰二年遷廣東副使按部高州諜報賊携男婦數百流劫村落部將請發兵公曰流賊無携家理慎毋妄殺及訊其俘果皆良家被掠者盡釋之拜陝西按察使適陝饑公不待奏報輒發倉以賑之全活者萬計滿四友公

以計誘其愛將楊虎狸為內應竟擒滿四斬
首七千有奇進右都御史京圻大水勅公巡
視公自發廩外復勸貸得米一十六萬五千
石棉布牛具各萬餘所全活者二十七萬八
千餘人公有大功于 朝廷若此其食報于
天寔與

一百七

素平之事不但我求於人而不可必得亦有
人愧我而終不可得者吾湖慈感寺阮山
叟先生業已送之大老大老家具佃值於官

僧人俱遷族去廬舍為墟矣唯毘盧閣高聳
巨麗難以拆卸家人用燥荻乾柴縱火焚之
至再而火不發若有神以戒之者豈此寺當
南門之衝山靈河伯護呵難以頓毀耶大老
乃辭於官僧仍安堵四十年後添設同知何
公撫府治在烏戍而白蓮塔迫其衙門之左
公欲毀之一日過慈感訪余語及毀意頗決
時相對坐閣下余即指閣道前事甚詳云老
公祖即欲毀恐匠氏難以措手公怒形於色
比而詢之諸士友合口皆稱不可公乃寢其

念然公與不佞始終語意不相投也

一百六

舉子文字作得高妙固好不高不少於立身
事業終不相掩吾湖莊僖公張永明少不以
舉業各求入諸時髦文會中衆不之許甲午
三場畢對友入自言夢寐願佳衆掩口笑之
出而聯登甲第殆邑有聲自諫垣以至八座
未有檐嘗非人務及公何嘗賦詩作古文耶
蓋願是任宦能譚末者即稱有才竊恐花季
所嘆者難非此之謂

一百九

雲間吳某中鄉舉後遊南都與一美妓相厚
語人曰吾若登第當娶此妓果而如其願云
此少年習心之常不足為怪惟稅蕪湖蘆蕩
既裕治第太侈製一卧床費至一千餘金不
知何木料何粧飾所成不久為屬之他姓床
巨麗難拆遂併棄焉此可為仕宦之求費矣
一百十

桐邑令蔡調吾時昂福建漳浦人萬曆甲戌
進士授官時年二十八歲端凝沉毅有老成

人所不易及者一塵不染見士夫有盒禮陳
于公庭即義形于色居衙唯茹菜腐肉食時
絕少每造予冬無輕暖余撫其背衣甚薄問
故曰黻卿天氣不寒素不為重裘也時有製
裘為贈者公堅却之五月造余解公服尚寒
絹褶在內若不知此地有紗葛焉邑事鉅細
畢舉吏胥歛跡其各役下人至為絲網以度
日尊翁踰五旬一疾而逝公不能為厚殮徒
跣扶柩出邑門百姓男婦皆為流涕

一百十一

徐貢元補進士嘉左使按臺差吏取紙
贖送仕官吏知公廉潔難近不敢見者數四
不獲已稟白公竟答二十不發也兵備大名
秋毫無取驛遞供送鋪陳一二十副公曰家
人卧氈褥歸家何以度日止留一副自用餘
俱發回造冊存注由大京兆轉亞卿一時清
望特著其子亦有父風

一百十二

按院二司紙贖都是解京充邊餉之用者近
日任情送人甚者私入囊篋全不知有法萬

曆年間有二按院犯之事

聞俱謫戍可鑒也

一百十三

余僉閩憲駐延平劔浦驛日供廩給銀三錢
一月應送九兩除常俸柴薪馬丁外又有此
供

君上之恩無以加矣始事一月畢衙內亦支魚
肉蔬菜二兩許驛官仍封九兩進予詰之曰
舊規也再詰欲責之曰不敢欺前邊老爺俱
如此予命此後要算除明白予性愚拙意謂

笑除人人皆爾一日同僚聚會言及有一同
年躡予足余乃噤口已而詢之曰兄言傷時
各道皆未有笑除者即用過十兩定規自是
不少嗚呼官為二司方面體統頗尊乃欺
君罔利至此然則何顏以懲下官之貪肆耶創
浦非衝繁之地止是本省上司及鄉宦往來
月支供應銀四百餘兩余行延平府四百里
驛官作四次領每旬日送道一查笑方領蓋
凡數月而節縮銀近五六百金然則前此無
實之費竟誰之咎也予不忍言予不忍言

一百十四

予由延平改福寧道駐會省矣一日按察司
獄官初任持禮幣數件皆重值之物也以手
標遺余余怒曰汝獄官又下首領官幾等分
舉舉與我堂官懸絕如何可通交際獄官雖
體面有素已叱之去事雖違衆風紀所關恐
凡有志之士皆所不納不待賢者而後能之
也

一百十五

楊挺高嘉靖辛丑進士不能悉其行誼之辭

仕為南工部主事權稅蕪湖竣事還部送鹽
翁青布二疋此外無長物焉即其事長之簡
薄則持已之潔廉可知已

一百十六

書云暴極化為虎淫極化為婦人唐進士
李某少曾私一婦人夫家覺而欲殺之某懼
走焚其居燒死數命後行山麓中卧起戲為
雌足狀身忽生毛羽漸變為虎唯口能作人
言有同年御史經其穴劇談移時悲憤備至
自陳前過事詳人虎傳宋徽宗時男子化為

婦人隆慶二年予觀政禮部陝西又化一人
是邸報至於婦人出髭鬚者宋時又不止一
二人也

一百十七

許白塘御史名鉉雲南人少豪俠不羈為諸
生時行市中有二人互爭相毆一人理不直
公搏殺之即詣縣白其狀甘認抵罪令憐其
才云許秀才於汝無干請回公諍曰生親手
殺人如何教他人認罪得令卒為兩解焉是
秋中鄉試第一人乙丑成進士令吾郡嘉

善縣清介絕俗不甚拘文法拜御史閣臣高
中玄先生里居白塘過訪席間問白塘曰我
作相較徐存齋如何公曰老師不如徐高震
怒擊卓公曰即此便不如徐矣其峭直類如
此已而命酒再飲高怒亦解可見中玄先生
亦無他腸也

一百十八

人生至尊至親莫如

君父父母而師即次之今之文學博士官師也
嘉靖三十年以前朴作教刑予猶及見之不

意近年頗失尊卑之禮呼名呼字不可得矣
噤若呼號延諸生上坐者有之諸生雖不坐
博士實有此虛套可恨有志於世道者可勝
油嘆哉

一百十九

余令淦三載歷侍守廵二道數公如大叅袁
公隨丙辰進士大叅陳公絳甲辰進士副使
吳公一介十進士副使張公士珮丙辰進
士不但不通幣帛即遇令節亦不敢一伸下
程之禮衙門嚴肅見之自令人竦然起敬今

未易遽若人也張後由四川撫臺內轉吏部
亞卿其故余不能曉

○一百二十

嘉靖壬戌會試

上命大學士袁煒詹事府詹事董份主考錄旣
成余師唐先生謂余曰曾見會試錄否余應
曰未見先生曰適來閱序文二公之意已向
徐存齋不屬嚴介溪矣未幾嚴以贓敗子世
蕃正罪籍沒先生於文字中盖有以識其微
也

○一百二十一

余嘉靖己未卒業南雍時大司成缺人司業馬孟河先生一龍動導

高皇帝監規行事舉人亦有監規監丞及六堂教官作揖先生坐受諸主走班嚴肅不能識左右生為何人一日進諸生於廂房面教曰我年三十以前全是禽獸不是人至四十尚出入於人類禽獸之間今日庶幾免於禽獸矣爾諸生當及時自勉近世士大夫自責自訟不隱其過未有如先生之真切者也

○一百二十二

余為大學士李石麓先生門人自戊辰始先是隆慶丁卯因友人董懋德始識其諸公子然亦彼此投刺之交也一日懋德試于國學余偕友人候懋德因往來于學前者數四有穿青家人數輩每見余二人行過雖坐亦必站立予恠而問之董僕曰此昨來李公子家人也時石麓先生當國其家人恪守家法加意於主人乍見之交如此則其視主人至親執友更當何如恐是大江以南絕少之事

○一百二十三

張江陵居正天分最高其萬曆元二三年相業儘有可觀另視天下之人皆不及若而忠言不入兒子必要中狀元人諛其相業則曰我不是相我是攝分明把大舜自居了此是他沒學問處其條列最不可竅者督學使進學太縣不過十五名不為無見果如所言棟得真才實學恐大縣未必有十五名後來不修德進童生至六七十名一縣如今做出許多病癰來故孔子曰君子不以人廢言好

事者又或議其有篡意此是作惡要滅絕他
三族的話頭斷斷乎不然也

一百二十四

鬼魅之事聖人所不語君子所不稱述也然
却不可云無予館董氏和雲樓從者以事離
左右即昏夜嘗有獨處時未聞其有聲響變
怪也入冬解館諸友方對予言樓中曾有人
解盡時露光怪甚為余慶云逮余巡福寧道
遵故事走福寧州駐劄月許初入衙予問延
賓館何在時已交巳午矣方入有一少婦週

身皆穿紅見予來如飛捷從廊簷外入門隙
遁去予恐感人亦不問左右見否已而人云
福寧地多鬼衙門更多其房舍百餘間予以
五六人居之絕未有鬼也余不敢自謂正人
能驅邪魅想是心上不疑故鬼自不敢近爾
一百二十五

不佞聞之少吳沈公曰予嘉靖乙未登榜官
刑部即時代巡行部湖州竣事送鄉士夫各
廩米或三升或五升未有折銀至兩數者後
不知何年折銀始逮不佞宦江右行撫建廣

三府各縣庫藏俱造冊送道查考唯撫州仕
宦最盛內開借支某項銀一百兩送都御史
陳外蓋陳時為御史大夫也自陳以下有差
縣官但知奉代巡命不知朝廷有法類此
守巡二道或濫用銀兩府縣亦借支應命陞
任去懇代者以詞狀紙贖抵補此不知出傳
令甲載何典籍皆時事大舛處可笑可笑

一百二十六

清江楊邈川標道長自東廣巡按歸其子蒔
馬尾市邈川到第之次日子除其子巾裂作

六七硯惡其侈也時淦邑春元朱謹吾與楊
兒女親余詢之曰公用何禮訪楊曰用二十
盒予以為盛禮矣細訪二十盒者即予鄉所
云果壘雜置蔬果葷物在內外佐酒一小瓶
置主人廳事酌之猶云接風也若三吳閭親
家作代巡時不知禮盒幣帛到恁田地

一百三十七

宋儒曰立朝以忠厚正直為本忠厚而不正
直其失也怯正直而不忠厚其失也絞二者
相濟方是假如親戚故舊在家在官皆有之

但事關朝廷便有箇法全任已意不得吾桐
萬曆間吏盜老庫銀三千餘兩邑令因撫臺
同鄉倖止罷官去這故縱如何說得是忠厚

○一百二十八

太宰周恭肅公用吳江人其人品卓偉鄭端
簡公曉稱之見吾學編及今言第恭肅墓文
出徐文貞階手筆謂其卒京邸貧不能殮則
未必然恭肅居爛溪去余家六十餘里其家
豈不能殮者哉甚矣墓文之不可信也孝子
慈孫甚不必為祖父做這一大件說謊事

一百二十九

同邑錢槐江公貢先人遺業頗厚弱冠即登
鄉科家無侈靡之習入其室多聞紡織聲兒
子數人居恒衣布今侍御夢得垂髫相見寒
暑未嘗絀葛也令新建治行卓異蒙內召僅
轉工部郎權蕪湖稅除弊剔蠹迄今人稱蕪
靖馬仕宦衣布之家東南不多得余至雲間
訪徐文貞公階蒙出諸孫揖俱穿青布短衫
長公璠確守父前子名之禮

一百三十

陽明先生天資迥絕學問又到看他一部全集說出話來便徹頭徹尾明白易曉宋儒若不到處便令人回頭細想不來即如李延平先生令學者想喜怒哀樂未發前氣象不佞清夜也曾想來前之一字總不如時字爲要只有箇喜怒哀樂未發並無未發之前更求以前便無下手做工夫處曾與沈鏡宇許敬庵相質二公不以爲然

一百三十一

唐先生曰志於道德者功名不足以累其心

志於功名者富貴不足以累其心古人有此
品第今日連志於富貴的人看來也少門人
問曰何謂也先生曰苟志于富貴則凡可守
其富守其貴者無不實下工夫此方是志今
但慕富貴而不盡其道却與無志同爾眼前
有一大老庶幾能志于富貴但不敢指其人

○一百三十二

烏程令李公榕江西豐城人居官奉法循理
事上不諂不傲與士夫處無炎涼態氣度豁
如也其最可法者遇人命不輕檢驗先拘兩

造鞠審事屬可處委曲俯就若深冤大讐必
欲執命不得已而後檢驗加焉嘗言檢屍與
凌遲不異上千天和慎毋輕忽至於破家蕩
產又是第二件事此仁人之言有司之上乘
也

一百三十三

稱人之善固是美事然為一方撫按則自有
公論在不得以私意過揚如有六七分好處
褒美至八九分這不失為厚道若到十二三
分使人已兩失之矣不佞一日在省中閱河

南巡撫薦一二司語云學貫天人才兼文武
不佞大咲同官問故不佞曰可惜王陽明先
生不在這八箇字加在他身上去可作千載
公案

一百三十四

湖郡庠教授萬先生鳳宣城人自縣令謫之
任未久奉府檄試本庠遺才生公嚴搜檢封
鎖各門甚固具飯飯諸生不許自餽有生自
餽痛懲其家僮生跪謝罪不少貸時錄不佞
為首初未嘗識面也他生有以厚賄干進悉

却之將赴山西典試差人促不偃魏既見秦
倭欣然曰吾子必中矣及秋幸如先生許
生次年署邑率以峭直取罪士大夫罷官去
然其能舉博士職則迥非流輩可及也

一百三十五

同年余晚山任湖廣某府推官下官舫見一
上司留茶門子侍彼此交談良久呼接鍾不
應疑睡也再呼之不應視之則目瞑而死幾
前此無疾亦未嘗被刑也立而殛奇哉殆無
本官在船則舟中之人鮮不受執命之累矣

司刑者所以全要虛心細問不必一人死定
求一人抵命也

一百三十六

藺相如全璧歸趙請秦王擊缶何等氣槩却
能屈志於廉頗鴻門之會樊噲擁盾而入曰
臣死且不避卮酒安足辭卒衛沛公于灞上
郭子儀單騎見虜李沆引燭焚詔韓琦調和
兩宮皆百代豪傑過人事清夜內省如何學
得他一二分來良可深媿

一百三十七

人把地位自高便湏思堯舜孔顏把功業自高便湏思伊呂周召若把舉業文字自高便湏思唐荆川瞿昆湖二先生自高之念一時不覺降伏了

一百三十八

莫謂武夫悍卒終不可以禮義束縛不佞令淦四川總兵郭成帶兵數千自兩廣西下沿途縣驛皆謹閉城門兵欲市魚米無從也責以擄掠之罪不佞備最豐下程先拜郭郭見不佞而異之又出示各兵不許夾帶兵

器欲市魚米者任入城不禁而城門亦設武備不踰時兵得其所大悅順流而去

一百三十九

戊辰余成進士靜臺先生呼余曰臨川今喜發高科矣汝素貧若二十年後脫此貧字方是好人若十年內即脫貧字非予所望于臨川也先生數言最宜深味先生初姓沈後復杜姓官工部主事權稅荊州自常俸外秋毫無取環堵蕭然饗殮常不給海內講學名流

真切罕有儼先生者

一百四十

施南石太學閔文川都事一日不相期俱下
顧不佞而君年相若閔讓施不敢列坐余問
故閔曰南石公先人之社友也余嘆羨其厚
而知禮焉已而陳繡山先生於不佞同社年
最高其長卽與不佞年相若也遇不佞亦執
子弟禮豈吾湖清遠獨存古道至是耶

○一百四十一

不佞僉閩憲駐延平而順昌者延平屬邑也

地方佞佛之徒流言真武顯靈欲新廟宇一時進香祈福者不遠千里捨施頗鉅至沿途設酒食肆馬邑令報聞據功德疏簿銀凡三千四百餘兩錢凡數萬幾千刻期蓋殿

不佞差楊同知詣彼處勘實回報具如邑言不佞親作告示內稱真武靈應本道素所崇信蓋殿鉅工豈可無主擅興擇某月某日侯奉通躬拜建聖命同知收功德簿暫將銀錢懸貯縣庫其本料行縣收管真武像送入別寺安置沿途開肆之人僅免結罪悉令析卸

事始解散而地方遂感大破矣若先期急處則此數千金者必瓜分以資棍徒之欲公府安得而有之且左道惑衆其咎非余而誰諉也

一百四十二

嘉興知府楊公繼宗在郡值歲旱公虔禱於城隍神雨弗應乃用鐵鏈與神同鎖項居兩應始解

一百四十三

近世富貴之家子弟懶怠雖自己作文字亦

用家人膳真此通弊也江右同年友熊君瑞
與余同觀政禮部每暇日輒借諸同年會談
卷親手楷書之予問其故曰將以貽子孫輩
讀之也其勤約如此熊南昌人

一百四十四

余游會稽飲同年家席間宋春元楷談子陵
先生關雲長公事曰子陵不事王侯高尚其
志人亦有做得的只是加足於帝腹勉強做
不來明燭達旦世傳雲長大節然少知義理
者或可為之唯斬貂蟬一節非有大識見大

氣槩舉手便軟了此二事真三代以後奇絕事也

一百四十五

居官最害人的是舊規二字董子云繼治世者其道同繼亂世者其道異夫繼治則舊規是好的不會害人殺人何須更改如其繼亂必如拯溺救焚唯恐不速或量度事勢漸漸更新可也徃徃見賢人君子在官亦不免因仍苟且之病然則河伯娶婦西門豹何以連棧二三人於水斷絕病根且不聞河伯作祟

彼豈獨無仁心者只為這病根大不得不下此毒藥余初令淦吏書動言舊規余每細細解之曰這是積弊不喚作舊規行之年餘方纔改悟嘗書對聯於堂柱曰敢曰今人行古道祇憐積弊作成規不敢自以為名言然同志者聞亦奮取而亮其不欺也

一百四十六

。姚溪施運同各可大祖號隣溪年六十餘鬚髮皓然與客對坐時有族叔在襁褓中者乳母抱而過焉隣溪忽立客問曰何故答

白家叔抱過此成張聞人物而又深於詩禮
看鍾祥毓秀曾孫聯登甲科者二人

一百四十七

都門故事每朔望門生在官者率往師門投
刺予與山西李晉峰尚思俱同麓余先生門
人也每往見晉峰刺必出諸袖中蓋止權一
皂帶馬更無一僕可持刺函耳余心服而識
之晉峰後選吏部官至都御史先是以解貢
上春官子永培亦已卿解首

一百四十八

四明某進士為諸生貧時娶室七月而舉子其父納義媳之譜以為孕而嫁也強進士出之後連生子皆七月進士父子始悔之然已無及矣天下之事以急而敗者十常八九此之謂與

一百四十九

韓昌黎河南孟縣人孟即古河陽也嘉靖隆慶間屢有小人欲發先生之墓者纔發即聞雷電聲自穴下起震懼不敢動豈先生為有唐一代正人英靈常在非小人之所以能毀耶

一百五十

余訪年家凌藻泉公公語予曰昨試小孫輩以文論其論題曰文帝脩代來功孫以告其師師杭州屢試高等生也訝曰漢時止有未央宮何曾有代來宮蓋不知代來為何事可發一長笑秀才名為讀書只學做幾句文字全不看史天都若此予在京邸述以告督學使滕公公然笑至浙試生儒必先出子史題作論次出書經

一百五十一

里中陳先生觀號桂月竹先生之父也弘治壬子中浙江鄉試時未有報捷者先生亦無家僅歸報越三日撤鹿鳴宴回有一大紅旂上書魁字時亦未聞有旗帳也弘治壬子迄今奇半餘年耳一變而童生進學報者接踵而發風俗淳澆之懸絕可慨矣哉一日語流鑣索亞卿鏡宇曰家叔祖嘉靖元年中式時亦不報

一百五十五

吳江曹桐先生詩文高古畫筆尤善年九

十二而卒人言先生恃脾氣旺食角黍過多令
一女婢揉其腹因而私之故卒私婢事在腹
畔傷食或誠然也予師唐先生曰盡其道而
死者為正命顏子三十二而卒却是正命曹
公尚有欠缺處

○一百五十三

○吾湖沈巽洲先生工部亞卿鏡宇公之封
也家教甚嚴子孫畏憚每夜膳畢子孫俱集
燈火下聽教必至深更寒暑無異一日李子
過訪留飯先生安席鏡宇公居長執杯箸送

先生主賓相對自始至終時先生四子俱侍
並不開一字出聲其家法如此可敬可法

一百五十四

吾桐邑同知莊先生其家居懿行不可悉知
一日先生出遊遺被褥於舟內其僕輩無知
而誤用焉先生怒甚至焚被褥而後罷此於
人情似覺暴殄然較之貓鼠同眠之人其賢
不肖亦天淵矣

一百五十五

萬曆己卯秋試闈諸生在會省者率不交不

冠行于市予訝其事歸臥語姪輩姪輩曰不足為異也吾浙二十年來已心余未之信歷詢士友一辭深為士風世道慨同人道於牛馬自云晉朝人物如此竊恐晉朝亦未必然督學先生既身其官焉得辭其責也

一百五十六

余觀政禮部高南宇先生儀為大宗伯時進諸進士于火房而教之曰揖之與躬躬淺而揖深易辨也今人躬深不異于揖自謂謙恭殊失禮意

今乃減歲入錄何以傳子孫自嘉靖辛丑以前無此事諸生甚不必沿習焉

一百五十七

宋仁宗朝遣一中使召翰林諭德某某人有親故見訪却不帶家眷在衙從便杯酒肆中款洽趨命不亟上問故即以實情對無遮飾也主復曰慎勿令科道官知之分雖君臣情同父子今安可復得手

一百五十八

不書之法一因會意如疾病之狀該用失字

此書之族諺用朱字如此類者甚多

一百五十九

臧顧渚博士云襲襲長短右袂古人右字與
有字通用是襲襲長短有袂宜作一句讀
不然短右袂服式何以無人用他用之亦不
雅觀此說雖於袂字有悖却似近理

一百六十

身體髮膚受之父母不敢毀傷孝之始也立
身行道揚名於後世以顯父母孝之終也聖
人立言甚有次第毀傷二字意義深長後人

只求顯親揚名更不問身如何立道如何行
與蒙師自孝經為童稚之書總是一般

一百六十一

唐荆川先生集中謂世人之死不問貴賤賢
愚雖椎埋屠狗之夫死力可為者皆有墓文
此是實事呂南渠先生母夫人卒先生時
已為大學士矣其墓文止是本邑禮侍陳公
惟所撰未見求之當朝元老墓表行狀

詔命諭祭等文錄皆不載君子之道闇然而
章呂先生有焉

一百六十二

。同門張九山楚城江陵人自為令時已號相
知矣江陵入相後意欲援以為同宗而九山
又在省中江陵頗注意九山落落求外補去
比太叅吾浙駐湖州不佞初自江右歸田亦
謁郡邑公偶過禾城經皂林迂道入更下訪
余割鷄款之劇談盡約以次日同舟至葛
上明發差役屢趣同飯余赴其飯一肉外無
長物也坐間呼人取神仙菜來予問何以佳
名曰請兄試嘗之便見及嘗即吾鄉家常醃

策爾祖公饗客無盛設自作客亦不喜入盛
謀同給舍京邸每途次馬上相遇必勒馬敘
語止時必欲垂年花一坐恨不得暇一日京
訪地盤盤出橫盤六器命酒肴菜豉小菜蔬
費不須銀一二分也怡然相繼而相忘其爲
薄殆往宦中絕無而僅有者哉

一首蘇半三

。奈曾入會稽探禹穴虛一僧走其素諸生借
寓讀書者未餘人擬金僕筆所是會食俱厭
菜膺良且或設醢魚不知有肉味也而左右

士大夫居顯官亦不忘貧賤呼蔬菜曰舊朋
友可羞可羞東南讀書家若父母供給薄時
不肖子弟必嗔怒子弟自治生多強勉肉食
求如會稽江右甘心澹薄得乎

一百六十四

聖人王兩舟濟承祖父鉅產嗜學讀書法書
名動盈寶峴樓騷人墨士日常滿座外若放
浪中實介然決擇有優人乘醉呼公名辱罵
家人欲詰責之公不許一日宴客召其人歌
而侑觴公語衆人曰我對客彼立而歌不止

屏之已公賞用重值售古鏡一圓出以示
市客客不加息鏡墮地破其人踟躕不勝
愀之曰吾前所云重值給君爾鏡實兩許
致君毋芥蒂於懷也其厚德類此公者
客覩其壻屠子以至牛客匿之負託他日
子來詢之曰未嘗見也召其父詰之其人
稽首謹袖玉牛至云向日領命送玉牛我
試以價屠子俗物不識也故持還爾今遂
公明知其詐不欲面叱人過大笑而罷故
客樂為奔走自來無怨公者

百六十五

王孝子世民金華武義諸生也父為旗手所
傷且死撫世民曰直之官必檢校則骨折我
是重傷我也汝孱有汝母且忍之父死而諸
宗人議和捐田五十畝世民飲泣而見母以
父之遺命告母曰秘之其姑受田而葬汝母
既受田復白母曰家幸給饘粥母食雙遺田
之入以共賦役外手籍其數扁固之歲以為
常世民自是口不及父時事晝夜讀書今歲
補博士弟子以至婚娶舉一孺子教誨弟俱

亦有成立而其於族子以兄礼礼之每召宴
亦徃飲食談笑如恒時然歸必識其數幾何
族子意世民且忘之然世民每歲旦即謂家
祠之父主前而以兩筭筭卜之不吉則掩泣
還至辛巳卜得吉乃走冶工所鑄銅斧鐫姓
名於背而匣焉日伺族子所之一日族子之
隔山飲大醉回世民於僻所袖斧揮之中項
再斧其脇立死囊其首至家祠之父主前趨
塗縣出袖中牘誦而授之且出其藏金如干
兩此讐詛所出也又出其它鏹如干曰此飲

讐費也願併訖悉以還之官於是世民之母
與其弟皆來代曰某實為之世民不與也世
民曰手刃讐者世民也能撫世民孤者母也
代養母者弟也何代為令義之俾浮繫麗譙
上具請監司檄會勘謂族子毆從父死者斬
世民殺應斬之人當減徒然法必檢而後獄
可成世民聞之慟曰吾所以至此懼暴我父
骨也因自樓投下折足即不食而死御史聞
而嗟賞下邑令為祠令請以所歸田金為材
費御史曰讐金也而資之以祠孝子安乎乃

議發他贖緩成之

又一百六十五

魯宗道字貫夫亳州人仁宗在東宮公為諭
德其居有酒肆在側號仁和酒有名於京師
公往往易服微行飲於其中一日真宗急召
公將有所問使者及門而公不在移時乃自
仁和肆中飲歸中使遽先入白乃與公約曰
上若恠公來遲當託何事以對幸先見教冀
不異同公曰但以實告曰然則當得罪公曰
飲酒人之常情欺君臣子之大罪也中使嗟

數而去真宗果問使者果如公對真宗問何
沐私入酒家公謝曰臣家貧無器與酒肆百物
具備賓至如歸適有鄉里親客自遠來遂與
之飲然臣既易服市人亦無識臣者真宗笑
曰卿為宮臣恐為御史所彈然自此奇公以
為忠實可大用晚年每為章獻言群臣可大
用者數人公其一也後章獻嘗用之

一百六十六

不佞謁唐師於小廳偶有木匠在廳斲削聲
響不便領教師不命置他徙講論如故時方
大暑來嘗揮扇亦不是其流汗也又一日候
師師於泚水縱舟轉輾歸乏僮僕跟隨車衣
一件師卦挂于臂膊間予欲代勞師亦不允
妻論師學問淵邃不可易及只此細事三件

要學他也學不來

一百六十七

顏子犯而不校先師解曰今人但知顏子不校難及不知一犯字學他不來弟子請曰何謂也師曰顏子持已應物喪不得罪於人故人有不是加他方認得是他甚我輩忍有不是加來必是自取所謂夫人必自侮然後人侮之也何曾是我輩未須學不校須先學他犯字弟子心服其言

一百六十八

嘉靖乙丑杜靜臺先生儒與不佞俱下第不
佞館於董宗伯份先生館於錢駕部鎮不佞
執贄拜先生門下一日侍講席不佞不能慎
言偶語及友人過差先生正色曰攻其惡無
攻人之惡臨川何為如此不佞慚謝罪嗚呼
末俗弟子務學為文其師鮮有加面責者此
先生所以為真道學歟

一百六十九

余聞之杜靜臺先生曰宋儒有一門人素博
聞廣記詩書滿腹忽遺不如意事冗冗年餘

昔所有者盡昏情若忘去後靜養山中久許
故學旋復焉隆慶丁卯余肄業都門崇國寺
覺此心頗清乃少年所讀文字不加溫習悉
純通篇成誦信哉先生之言不我欺也故知
學以養心為本

一百七十

溫飽富貴之家不能廢僕從勢也彼僕從求
悅其主何所不至所貴乎高明者有禮義
以制之耳余有一良友同筆研最久每見其
小便童子執溺瓶以玉莖入之余輒隱諷不

改此友後不果壽以明經卒逮不佞年漸長
目見前事又不止二三人矣

一百七十一

余垂齠時領先贈君命嘗赴親隣之席水果
不過五盤肴不過六盤湯不過三盞此喜筵
也若歲朝隣人相呼坐客或五人或八九
人俱用冷肴四品以有蒂磁鍾輪飲並無一
客一杯者自予弱冠以後而此風杳然不可
復見矣

一百七十二

唐一庵先生自少至老與人拜帖及書啟莫
不出自手筆江西新淦黃仁山歷官給事中
知府予至淦公年已八十有二其親書拜帖
手啟亦與吾唐先生同蓋前輩持身以勤又
寓字可以驗精神衰旺故其用心如此

一百七十三

余少時見一隣人姓者技餘家亦瓜葛親
一旦持古磁大碗問余太孺人典米數升予
初第誤擊碎之太孺人驚懼曰此古器也彼
欲原物將何以償焉越數日果持米來太孺

人以情告願加米數并祗償施佛然曰孺人
何出此言我自以碗來典非汝強我也竟投
原來執碎碗而去嗟余辭受之節富貴人識
者罕有况貧者乎此事若在今日則其說長
矣何可湮沒不書也

一百七十四

隆慶丁卯歲大江以南流言選取宮人民間
女年八歲以上者俱嫁出良賤為婚不可勝
紀鎮人陸君相有女年二十衆勸從權
陸曰萬萬無是事也一皇家選女須用托

人南人必不與選萬一吾女與選何福勝戴
吾當親送入宮耳女竟以禮如期歸時俗元
旦供天馬設香燭糕果名曰接天君曰吾家
房子窄小何能容太上天尊遠衆不從其他
賽神事一切不尊不信可以訂頑公殆賈而
儒者矣

一百七十五

不佞一日對客嘆曰天下最誤人的是體面
兩字客曰何也曰假如吾家閒房借人住初
先不察賃與做賊人或悖義逃來之人自己

朱朱是了至官府節捕主人來跟尋一切聽
之遵悻說我家不是已是遲了若主人要爭
體面家以爲貪些酒食錢財極力庇護不容
辱罵掌書自云吾家體面好看殊不知外有
體面內有肚腸這等都是肚腸一團私欲的
話頭但知有己不知有人惡在其爲體面之
好看也客笑而退

一百七十六

郡中有富翁家可萬金其父原以剋剝細民
起維之以禮義誅之以寬仁猶患其弗能及

也乃縱慾不檢私其親侄之婦身不嗣姪婦
之子嗣焉卒未踰年而家已蕩盡無卓犖男
君子曰天道好還宜其然乎

一百七十七

余少聞先贈君云無錫縣有一老人嘗陰處
於賊寨壁取其寧老人起而執之則隣人子
也老人不號于無私語之曰賢侄何為此汝
父與我頗厚想汝貧迫不得已而為之耳贈
百錢為度歲計又贈數百錢為資本頃首謝
去愧不能故去石遷之他方頗有樹立越數

年買舟訪老人夜分至門外看見一人縊其
門呼同舟人為槥至舟上棄之湖水而去又
踰年再訪老人告以前事老人曰藉君之力
多矣前死者日間曾與小兒鬧來竟不得其
死踪兒俾得免施者報者蓋兩付之忘言云
一百七十八

盧國之醫姓秦名越人號扁鵲漢長沙太守
張機字仲景號長川公著傷寒論金匱要
劉完素字守真號宗真子又有曰子和者宛
人即張戴人是也李東垣元初人名暴卒

明之號東垣老人有濟生拔萃十卷行于世
一百七十九

醫者意也得其方而不得其意為庸醫其害
可以殺人得其意而不局於方為良醫其功
足以濟世昔湖人有患食成肉停滯者諸醫
悉用消導之劑愈消導元氣愈薄停滯愈不
通垂絕延周用仁治之用人參大補之劑諸
醫驚愕不踰時停滯大通矣驗之皆大塊成
肉蓋食時倉忙不暇細嚼所致也周名濟明
州儀鳳橋人

一百八十

萬曆五年平湖縣有一木匠其妻通於僧僧以箱籠衣物寄其家姦婦悉盜之比索其逐箱籠僧訟之令令不責詰僧姦罪竟以盜寄之罪罪匠匠不堪大怒提屠永利刃奔入邑堂先殺一皂令從後堂奔入匠追及之僅傷令一指瀕死匠若發狂人不能執縛後卒於屋擒之夫令一邑之主也一事少不當於民心禍遂至此民風民情可畏哉

一百八十一

陳全

蘇州人父以牙

人起家積累頗富喜游蕩入南京日與諸名
妓狎亦多巧智善譖家為蕩廢先是有客托
千金病其家卒客子來求金隱閉不登及生
全聲音笑貌儼與客弗殊也其母不知父獨
自知曰索債者至矣果報之驗安可云無

一百八十二

吳江錢皓女如潔許嫁按察僉事曹公璞家
子糖糖有廢疾不能娶自願解盟錢氏不聽
曹乃先娶中人之家沈氏女與居以膏之糖

終不知夫婦之道及糖卒錢始更許烏程溫氏女聞累日不食毋強之乃食止蔬食扣其故俛而不荅至溫迎娶女知不免乃徉乞沐浴遂闔戶更衣書于寢壁云前緣已定禍福同當等語遂自經死年二十六遺書與其姑董求葬曹氏墓側從之沈氏終為室女亦無二志人有勸之嫁者沈作色曰錢氏未歸于曹者尚能舍生而不改適我之歸曹久矣何以嫁為年八十五時人目之為雙烈云並蒙恩旌表

一百八十三

婦人女子之隱行冰霜爭繁者頗多惜其不傳於人間而苦於無力奏聞泯泯泉下可哀也予長女有乳母姚者王某之妻鄉俗催乳母約以三年為限彼意謂必限滿此是夫婦會合之期執之甚堅乃一日夫家住頗近偶出看其祖父夫樓抱求媾媾之而隨孕焉孕三月婦惶恐不勝口稱曰吾羞見老爺蓋指余也連日求死者再予令女使解之曰多少做乳母者不惜廉耻汝親夫相會得禮之

正於事體何妨萬勿介意而余內人輩亦數
四解慰之婦竟不從多服水銀而死予率長
女殮而奠之大為號咷云君子曰姚氏婦雖
細人妻亦可以當烈婦名矣

一百八十四

婦人女子性有偏僻非人所能救藥者儘多
予友施君河其母氏囊橐不下千餘金悉以
私其女若壻傾君亦適焉施君偕其妹氏妹
夫不但不怒於言不怒於色恬愉和易終其
身若忘其母之有是蓄而付之不聞也其賢

於人遠矣易曰君子厚德載物施君以之然
而天之所以報施君良亦大且渥矣

一百八十五

侍郎少吳沈公夫人花氏予表兄嫂也予長
女出閣辱夫人來送一切珠翠文綺屏絕不
用此夫人天性夙稟不足為羨素冠平金弋
綈衣作客僅同中人婦一老婢隨身更無少
年艷粧夜與張氏媼共榻起居如如然也
氏後昆藉其厚庇其昌熾寧有艾乎

一百八十六

。婦德閭行非出自天成則父母訓誨漸染所
自來也予兄東野繼嫂吳氏靜正簡默婉委
柔順事先贈君最孝自奉甚儉款客唯恐不
豐婢僕有過不見聲責平居不輕言笑言必
出自真誠雖導以誑譖弗屑也東野兄暑月
當飯嫂每從傍輕扇予偶及見荅予揖傍扇
弗輟也自少至老與兄未嘗有反目時仍其
流上乘人物云

義米本末啓夏少府

荒鎮建館之地一河相距其東白青鎮隸桐

鄉西曰烏鎮隸烏程不佞自舉富膺表六年
斗米賣銀一錢太分饑卒塞路正懷所以豫
後之計而何公祖下車亦衆軫念商及故不
佞免醫士方時吉對渠同鄉典舖商入勸諭
幸商人凡九典仗義樂施各捐中白米二十
石共得一百八十石青鎮八典計一百六十
石烏鎮一典止二十石爾不佞又同舍親夏
冲寰各出米三石以風青鎮居民共得一百
石其烏鎮居民央耆老唐國憲王漢齡亦行
勸諭竟乏好義者升合未之有也不佞以數

報何公祖相約此米萬不可報上司以滋查
盤出入之弊家下貯一百石餘寄頓殷實之
家數人俱不佞親故必無疎虞者不知何公
祖何意報守道張老公祖張老公祖曾面諭
不必申報蓋有以燭將來弊竇之微也逮常
平倉既建又不知何公祖何意欲將義米入
倉不佞力陳收發不便不蒙見允入倉訖一
旨仍貯家下何公祖亦曾令黨正出陳易新
柰何黨正各行其私春時即領賣銀盤放至
冬買下等雜色米充數易於滛濫即今七月

所發之米甚惡是已散鄉大戶貯米大都賣
於七八月青黃不接之時何公祖奉委日多
早發甚賤其貯家下九十石零以八月間發
賣得銀七十六兩零照黨正賣數每石多銀
二錢零此二十六年事即此可徵在官倉在
民間在家下之應與不應有利無利矣夫郡
邑各有疆界不幸遇災荒上司郡邑賑濟
亦有疆界常平者穀賤則增價而糴穀貴則
減價而糴以利民也此義米三四百石一遇
災荒止可量力分投央得過之家煮粥以贍

饑民糴不給或入與米一升二升爾此不接
初意也若謂之常平則災荒時便當減價便
民恐不濟一日之程千石可罄況止三四伯
石哉且何益祖亦幸不值災荒而去爾若值
之則此三四百石之米青鎮四郊之民孰不
知有此豫備也難道全以力主張混同烏鎮
饑民糴給發若一槩給發勢必相聚為亂
其烏鎮可發可濟者止有二十餘石爾雖商
人入典義助跡似公物然亦藉青鎮之人有
此當衆容商開典而後有此義林實與青鎮

米同終不可謂烏程米也本館前請此可云
義米不可云常平事理甚明今若欲移而貯
之湖州烏程倉則青鎮之民粒米無望即有
當路許容遇災給領竊恐遠百里而待哺關
吏其驅窮民於必死可預卜者願一籌之不
佞年迫七十何乃自苦求管此米第免編倉
夫可以絕其偷盜羅羅以時可以年年增米
不幸而荒又可就近發賑家下所貯另為一
室不混食米懸有官米之牌及寄頓民間全
數以時報署以憑申道不審尊裁何如矣夫

閔朝漢曹彬虧欠米四十石九斗零望一併
留神不妨以此故抄白呈各位老公祖即求
畫一高見顯俟顯俟

見聞雜紀卷之三終